

Soalan 1-7

Lengkapkan ayat-ayat yang berikut dengan memilih jawapan yang **paling sesuai**.

1. Tiada sesiapaupun yang rumah pusaka itu sejak datuknya meninggal dunia.
A merapati
B mendekati
C mendiami
D menghampiri
2. Kamal di sebalik rimbunan buluh untuk mengintip kegiatan penyeludupan beras itu.
A tersengguk-sengguk
B terhendap-hendap
C terkocoh-kocoh
D tergaruk-garuk
3. Murid-murid Tingkatan Tiga Cerdas menggunakan untuk menyelesaikan soalan Matematik ketika peperiksaan dijalankan.
A jejari
B sesiku
C kekunci
D dedekak
4. Kami mengharungi Sungai Jelai yang pada musim kemarau untuk pergi ke perkampungan orang asli.
A deras
B dalam
C lembap
D cangkat
5. Pertandingan memancing ikan yang sepatutnya diadakan pada hujung minggu ini kerana pihak penganjur gagal mencari penaja.
A dihapuskan
B dibatalkan
C dihentikan
D dilewatkan
6. Farid bermati-matian menyatakan bahawa dia tidak..... langsung untuk menyakitkan hati ayah dan ibunya.
A terasa
B terkata
C teringat
D tergamak

7. Peserta ekspedisi itu bertungkus-lumus membina rakit hari sudah senja.
- A kerana
B lantaran
C walaupun
D sementara

Soalan 8 – 14

Ayat-ayat di bawah mungkin betul dan mungkin salah. Jika terdapat kesalahan, kesalahan itu telah ditandakan dengan A, B atau C dan jika tiada kesalahan telah ditandakan dengan D.

8. Walaupun Cikgu Azura berperwatakan lemah lembut, namun dia mempunyai pendirian yang tetap. Tiada kesalahan.
- A B
C D
9. Memorandum persefahaman di antara pihak kerajaan dengan syarikat tenusu yang terkenal dari New Zealand itu telah ditandatangani semalam. Tiada kesalahan.
- A B
C D
10. Rahimi sedar benar yang dia haruslah mengulang kaji pelajaran dengan tekun untuk berjaya dalam peperiksaan. Tiada kesalahan.
- A B C
D
11. Jam tangan yang dihadiahi ibu kepada ayah sangat mahal kerana dibeli di luar negara. Tiada kesalahan.
- A B C
D
12. Jika tiada aral, Encik Gan berhasrat untuk memperbesarkan rumah ibunya sebelum dia berhijrah ke bandar. Tiada kesalahan.
- A B
C D
13. Air mata membasahi pipi ibu tatkala mendengar berita tentang kejayaan abang dalam peperiksaan Penilaian Menengah Rendah. Tiada kesalahan.
- A B C
D
14. Wanita yang berbaju kebaya dan berkain songket bersulamkan dengan benang emas itu ialah emak saudara saya. Tiada kesalahan.
- A B
C D

Soalan 15 – 17

Pilih ayat-ayat yang menggunakan **perkataan berhuruf condong** dengan betul.

- 15 I Mereka berjalan *berpaut* tangan semasa mengambil angin di tepi Pantai Santubong.
II Tangan Pak Melan *berpaut* pada kepingan papan perahunya yang karam itu.
III Ikatan persaudaraan antara kedua-dua orang beradik itu *berpaut* kembali selepas terpisah sejak kecil.
IV Perjuangan kemerdekaan itu *berpaut* kepada semangat nasionalisme yang kuat semasa menuntut kemerdekaan negara.
- A I dan II sahaja
B III dan IV sahaja
C I, II, dan III sahaja
D II, III, dan IV sahaja
- 16 I Bukunya yang *hilang* itu telah dijumpai pagi semalam
II Makanan yang disajikan di atas meja telah *hilang* dimakannya.
III Luka di tangan Amin telah *hilang* setelah dibubuh ubat oleh ibunya.
IV Dia melambai-lambaikan tangannya hingggalah anaknya itu *hilang* dari pandangannya.
- A I dan IV sahaja
B II dan III sahaja
C I, II, dan III sahaja
D II , III, dan IV sahaja
- 17 I Mereka *melewati* beberapa buah pekan sebelum sampai di daerah pedalaman itu.
II Pada setiap bulan, kami sekeluarga akan *melewati* datuk dan nenek di kampung.
III Pekerja yang telah *melewati* usia empat puluhan dinasihati menjalani pemeriksaan doktor.
IV Setelah membaca bab awal novel itu, Jannah *melewati* bab-bab lain kerana ingin mengetahui kesudahan ceritanya.
- A I dan IV sahaja
B II dan III sahaja
C I, II, dan III sahaja
D I, III, dan IV sahaja

Soalan 18 – 21

Bahagian yang bergaris dalam ayat-ayat yang berikut mungkin mengandungi kesalahan bahasa dan mungkin juga tidak. Tandakan sama ada A, B atau C jika ayat itu mengandungi kesalahan dan tandakan D jika tiadakesalahan.

- 18 Ibu menggoreng ayam kami untuk hidangan tengah hari.
- A menggorengkan kami ayam
 - B menggoreng kami ayam
 - C menggorengkan ayam kami
 - D menggoreng ayam kami
- 19 Salma menelefon ibunya untuk bertanyakan tentang khabar keluarganya di kampung.
- A bertanya tentang perkhabaran
 - B bertanyakan khabar
 - C bertanya perkhabaran
 - D bertanyakan tentang khabar
- 20 Semua murid bukan sahaja berdisiplin tetapi saling membantu antara satu sama lain semasa melakukan aktiviti kemasyarakatan itu.
- A juga saling bantu-membantu
 - B saling membantu-bantu
 - C juga saling membantu
 - D saling membantu
- 21 Pihak urus setia pertandingan bola lisut terpaksa menanggungkan perlawanan antara dua pasukan itu selama satu suku jam kerana hujan turun dengan lebat sekali.
- A kelamaannya suku jam satu
 - B selama satu jam suku
 - C lamanya jam satu suku
 - D selama satu suku jam

Soalan 22 – 24

Pilih ayat yang mempunyai maksud yang sama atau maksud yang paling hampir dengan ayat yang dicetak tebal

- 22 **Banyak graduan universiti di negara ini menganggur kerana tidak mendapat pekerjaan yang sesuai dengan kelulusan mereka.**
- A Banyak graduan universiti tidak mendapat pekerjaan yang sesuai dengan kelulusan mereka akibat pengangguran di negara ini.
 - B Banyak pengangguran graduan universiti di negara ini kerana mereka tidak mendapat pekerjaan yang sesuai.
 - C Akibat tidak mendapat pekerjaan yang sesuai dengan kelulusan, banyak graduan universiti di negara ini menganggur.
 - D Negara ini banyak mempunyai graduan universiti yang berkelulusan tetapi tidak mendapat pekerjaan yang sesuai.
- 23 **Bengkel yang berlangsung selama dua hari itu dihadiri oleh dua puluh orang guru yang mewakili sekolah masing-masing.**
- A Dua puluh orang guru yang mewakili sekolah masing-masing menghadiri bengkel yang diadakan selama dua hari.
 - B Dua puluh orang guru diminta mewakili sekolah masing-masing untuk menghadiri bengkel dua hari.
 - C Dua puluh orang guru menghadiri bengkel di sekolah masing-masing selama dua hari.
 - D Dua puluh orang guru telah mengadakan bengkel dua hari di sekolah masing-masing.
- 24 **Murid yang bijak itu mengambil masa yang singkat untuk memahami pelajaran yang diajar oleh gurunya.**
- A Murid pintar itu mudah difahami oleh gurunya yang mengajar dalam tempoh masa yang singkat.
 - B Murid yang lemah itu mengambil masa yang lama untuk memahami pelajaran yang disampaikan oleh gurunya.
 - C Murid yang pintar itu tidak mengambil masa yang lama untuk memahami pelajaran yang disampaikan oleh gurunya.
 - D Murid yang pandai itu mengambil masa yang lama untuk memahami pelajaran yang disampaikan oleh gurunya.

Soalan 25 – 27

Pilih ayat-ayat yang **betul**.

- 25
- I Kanak-kanak yang sedang tendang bola itu adik saya.
 - II Rumah orang kaya itu kemasukan pencuri malam tadi.
 - III Majlis perasmian bangunan baharu itu akan beliau rasmikan esok.
 - IV Akan kuhadapi masalah ini dengan tabah.
- A I dan II sahaja
B II dan IV sahaja
C I, II, dan III sahaja
D I, III, dan IV sahaja
- 26
- I Walaupun sakit, namun dia bersekolah juga hari ini.
 - II Dia tidak dapat datang bekerja kerana kurang sihat.
 - III Saya ingin mengetahui sama ada berita itu benar.
 - IV Daripada dibuang, lebih baik pakaian lama itu diberikan kepada orang memerlukannya.
- A I dan II sahaja
B II dan IV sahaja
C I, III, dan IV sahaja
D II, III, dan IV sahaja
- 27
- I Pepohon di belakang sekolah itu tinggi-tinggi sungguh.
 - II Kumar sedang berbual-bual dengan Roslan di tepi padang.
 - III Lauk-pauk yang disajikan itu sungguh enak sekali rasanya
 - IV Pemain-pemain kedua-dua pasukan itu saling bersalaman selepas tamat perlawanan.
- A I dan II sahaja
B III dan IV sahaja
C I, III, dan IV sahaja
D II, III, dan IV sahaja

Soalan 28 – 30

Pilih peribahasa atau maksud peribahasa yang **paling sesuai**.

28. Kebanyakan kerja yang dilakukannya separuh siap walaupun masa yang diberikan kepadanya lebih daripada mencukupi.
Perbuatan dalam situasi di atas dapat dikaitkan dengan peribahasa seperti...
- A abu di atas tunggul.
B pahat dengan penukul.
C melepaskan batuk di tangga
D enau dalam belukar, masing-masing melepaskan pucuk.

29 Daim agak pendiam orangnya. Walau bagaimanapun, banyak rakannya terkejut kerana mereka tidak menyangka bahawa dia telah diumumkan sebagai pelajar terbaik peringkat kebangsaan dalam peperiksaan Penilaian Menengah Rendah (PMR). Situasi di atas menepati maksud peribahasa ...

- A diam ubi berisi, diam besi berkarat
- B hendak seribu daya, tak hendak seribu dalih
- C baik ikut resmi padi, makin berisi makin tunduk
- D orang lain makan nangka, orang lain yang kena getahnya.

30 Ukur baju di badan sendiri

Peribahasa di atas bermaksud ...

- A melakukan sesuatu perbuatan hendaklah menggunakan kekuatan sendiri.
- B menggunakan akal sebelum melakukan sesuatu pekerjaan.
- C melaksanakan tugas berdasarkan kemahuan sendiri.
- D membuat sesuatu mengikut kemampuan sendiri.

Soalan 31 – 35

Baca sajak di bawah dengan teliti, kemudian jawab soalan-soalan yang berikutnya.

Keusangan Budaya

Ketika dulu
kelihatan sang dara bersimpuh ayu
bersalut songket tenunan Melayu
menganyam segar

Kelihatan
sang teruna menebang ara
berbaju Melayu warisan bangsa
meniup seruling bambu
merdu dan sayu

Ketika ini tiada lagi sang dara ayu
tiada juga teruna gagah
kini yang ada cuma
tubuh-tubuh lesu
tubuh-tubuh kaku

Kedengaran
irama gamat menodai kedamaian
seruling bambu diam keusangan
songket dan batik murah disisihkan

Ayahanda dan bonda di pondok
memalu nobat di sisi
melihat sayu sang Sita Dewi
yang usang tidak bermaya lagi

Roshilawati Razlan

(Dipetik daripada antologi *Harga Sebuah Lukisan*,
Tingkatan 3, Dewan Bahasa dan Pustaka)

- 31 Berdasarkan rangkap kelima, penyajak menggambarkan generasi tua berasa sedih kerana
- A budaya kita semakin dilupakan oleh generasi muda
 - B kata-kata mereka tidak diendahkan oleh generasi muda
 - C wujud perbezaan pendapat antara mereka dengan generasi muda
 - D mereka gagal meninggalkan apa-apa budaya kepada generasi muda
- 32 Penyajak mengatakan bahawa punca golongan muda hari ini tidak dapat mengekalkan budaya bangsa zaman dahulu kerana
- A tidak didedahkan dengan jati diri oleh ibu bapa.
 - B pengaruh daripada pelbagai budaya baharu dari luar
 - C mereka tidak menggemari budaya tersebut dalam kehidupan
 - D susah untuk mengamalkan budaya bangsa dalam kehidupan sekarang
- 33 Baris *kelihatan sang dara bersimpuh ayu* dapat dikaitkan dengan nilai ...
- A kerajinan
 - B kesopanan
 - C menghargai
 - D bertanggungjawab
- 34 Gaya bahasa yang sesuai untuk baris *songket dan batik muram disisihkan* ialah ...
- A personifikasi
 - B inversi
 - C repetisi
 - D responsi
- 35 Tema sajak *Keusangan Budaya* ialah ...
- A sikap golongan yang menyanjung tinggi warisan bangsa.
 - B peranan golongan muda dalam mempertahankan adat dan budaya Melayu.
 - C sikap golongan muda yang merendah-rendahkan budaya bangsa.
 - D tanggapan masyarakat kini terhadap adat warisan bangsa.

Soalan 36 – 40

Baca petikan cerpen di bawah dengan teliti, kemudian jawab soalan-soalan yang berikutnya.

Dia pernah mencuri-curi pandang kepada tukang muda itu. Perkakasannya berpeti-peti, cara bekerjanya banyak memakai pensel daripada mata.

Suatu perkara yang benar-benar dikagumi Pak Talib ialah menyediakan alatan rumah itu secukupnya terlebih dahulu. Apabila sampai masa didirikan, semuanya sudah sedia untuk dipasang pada tempatnya. Beberapa hari kemudian rumah itu sudah siap.

Sedangkan jikalau Pak Talib sendiri, tentunya memakan masa yang tidak kurang daripada setengah tahun.

Dalam hal ini pun, sudah jadi bahan leteran Mak Limah.

“Apalah kelebihan budak Manas itu sehinggakan awak diketepikan ... bukankah awak tukang lama?”

Pak Talib cepat-cepat memadamkan leteran itu sebab dia tidak menyukai nama orang lain yang jadi bahan leteran isterinya.

“Aku tukang lama, yang patutnya mengisi muzium saja.” Jawapan itu bukan memadamkan leteran tetapi menambah panas lagi.

“Apa? Mengisi muzium? Awak juga yang salah. Cubalah ubah fesyen tukang awak tu. Tentulah orang tak melupakan awak, dan awak pun tidaklah berniat lekas-lekas hendak masuk muzium.”

“Bukan senang, Mah, untuk mengubah fesyen yang baru. Awak pun tau jadi tukang dahulu bukanlah belajar di sekolah, hanya mengikut tuk tukang tua. Dia menurunkan ilmunya kepada aku.”

(Dipetik daripada cerpen *Tukang Lama*
Antologi Kasut Kelopak Jantung, Tingkatan 1,
Dewan Bahasa dan Pustaka)

- 36 Yang berikut ialah ciri-ciri tukang baharu pada pandangan tukang lama, kecuali
- A tukang baharu melakukan kerja secara tradisional.
 - B tukang baharu mempunyai peralatan pertukangan yang banyak.
 - C tukang baharu membuat kerja dengan konsep pasang siap bagi mempercepat kerjanya.
 - D tukang baharu menyediakan peralatan rumah terlebih dahulu sebelum memulakan kerja.

Soalan 37 berdasarkan dialog yang berikut.

“Aku tukang lama, yang patut mengisi muzium saja.”

- 37 Mengapakah Pak Talib menggambarkan dirinya seperti dalam dialog di atas?
- A Pak Talib membina rumah mengikut bentuk yang diminatinya.
 - B Bentuk rumah yang dibina oleh Pak Talib telah ketinggalan zaman.
 - C Rumah-rumah yang dibina oleh Pak Talib sesuai dipamerkan di muzium sahaja.
 - D Peralatan pertukangan yang dimiliki oleh Pak Talib merupakan peralatan lama.

- 38 Nilai yang terdapat dalam petikan cerpen *Tukang Lama* ialah
- A bersyukur
 - B hemah tinggi
 - C kasih sayang
 - D dedikasi

Soalan 39 berdasarkan petikan yang berikut.

Bukan senang, Mah, untuk mengubah fesyen yang baru. Awak pun tau aku jadi tukang dahulu bukanlah belajar di sekolah, hanya mengikut tuk tukang tua.

- 39 Apakah mesej yang terdapat dalam petikan di atas?
- A Ilmu mesti dipelajari mengikut perkembangan semasa.
 - B Keperluan manusia berubah dari semasa ke semasa.
 - C Sesuatu perubahan mengambil masa yang panjang.
 - D Orang muda perlu mentaati kata-kata orang tua.
- 40 Apakah kesudahan cerpen *Tukang Lama*?
- A Mamat merisik Timah untuk menjadi isterinya.
 - B Mak Limah menjodohkan anak gadisnya, Timah dengan Manas.
 - C Pak Talib tidak dileteri oleh Mak Limah lagi apabila balik ke rumah.
 - D Pak Talib kecewa kerana menerima upah sebanyak sepuluh ringgit daripada Encik Mamat.

KERTAS SOALAN TAMAT